



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 813. Usque Ad Annum 859

**Fleury, Claude**

**August. Vind. [u.a.], 1760**

**VD18 90117867**

§. 48. Alia Statuta.

---

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

Sæculum IX.  
A.C. 822.

gnis natam consulendi voluntatem Principum, antequam ordinentur Episcopi, id expedit ad quietem & pacem inter Potestatem Sæcularem & Spiritualem conservandam; sed non est conditio necessaria ad legitimam ordinationem, quæ non est pars potestatis Regiæ, quia a Dei mandato & Ecclesiæ consensu proficiscitur. Episcopatus non hominum sed Spiritus Sancti Donum est. Inde graviter peccat Princeps, si suum beneficium putat, quod sola Divina Gratia confert. Florus deinde Ordinationem S. Martini & S. Eucherii Lugdunensis in exemplum & dictorum suorum testimonium affert.

§. XLVIII.

*Alia Statuta.*

c. 34. Imperator in eodem Capitulari confirmat Regulas Canonicorum & Monachorum Aquisgrani conditas. Tum plures abusus in Disciplina Ecclesiastica emendat.

c. 6. Servi non ordinentur nisi prius a Dominis suis manumissi. Qui subreptitie fuerint ordinati, deponantur. Servi Ecclesiæ publice in cornu Altaris manumittantur, priusquam ordinentur, si tanto honore digni habeantur.

c. 16. Episcopi Longobardiæ non exigant juramentum, nec dona ab illis, quos ordinant; uti facere

cere solebant. Inde dispicimus, istud *Sæculum IX.*  
 Capitulare non nisi post fata Bernardi *A. C. 822.*  
 editum fuisse, cum prius Imperatori Lu-  
 dovico in Longobardiam Jurisdictio non  
 fuerit. (\*) Per Crucis examen in ve- *c. 27.*  
 ritatem alicujus facti non inquiratur.  
 Alibi dixi, quid rei istud examen fuerit.  
 Nempe ambæ partes adversæ tamdiu  
 coram Cruce stantes perseverabant, do-  
 nec qui prior in terram procumberet, e-  
 tiam causa caderet.

De his agit Agobardus in Disserta- *c. 1. to. 1.*  
 tione sua contra sortem, quam appella- *p. 301.*  
 bant Dei Judicium, id est, experimen-  
 tum ignis & aquæ, & duella legibus Bur-  
 gundiorum tolerata.

Ostendit, Deum vere tentari, quan- *Hincm. de*  
 do hujusmodi superstitiones ad indagan- *divort. to. 1.*  
 dam veritatem adhibentur, & affert plu- *p. 574.*  
 rimos Textus selectos hac super re tam  
 ex novo quam ex veteri Testamento.  
 Præcipue autem contra Duelli malitiam  
 in hoc Scripto pugnat.

In eodem Concilio Attiniacensi Lu-  
 dovicus querelas cujusdam fœminæ no-  
 bilis,

K 2

(\*) Nempe de Electione Episcoporum in  
 Longobardia Ludovico pio cura non erat. Ju-  
 risdictionem vero supremam etiam in Longo-  
 bardiam a Carolo Magno parente suo accepit,  
 & exercuit, cum hunc ipsum Bernardum rebel-  
 lem punivit.

**Sæculum IX.** bilis, nomine Northildis, contra Agem-  
**A. C. 822.** bertum maritum suum totius Conven-  
 tus arbitrio reliquisse creditur, & Epis-  
 copos idem iudicium remisisse ad viros  
 Laicos uxores habentes, illarum rerum  
 & legum sæcularium se magis gnaros,  
 iussisse etiam, ut mulier eorum Senten-  
 tiæ se submitteret; porro si rea esset, &  
 pœnitentiam peteret, eam Episcopi se-  
 cundum Canones eidem injungerent.  
 Optimatibus Laicis maximopere placuit  
 hæc discretio Episcoporum, qui ipsis po-  
 testatem de causis uxorum suarum de-  
 cernendi, non subtrahebant, & Jurisdi-  
 ctionem Sæcularem non invadebant.

*Astron. an.*  
817.

Canones  
Concilii At-  
tiniacensis.

Cap. to. 1.  
p. 626. to. 7.  
Conc. p. 1519

Brevi post tempore apparuit, Ludo-  
 vici Imperatoris curam de reformandis  
 Clericorum moribus non omni fructu  
 caruisse, cum Episcopi & Clerici baltea  
 auro fulgentia, e quibus pugiones gem-  
 mis distincti pendebant, calcaria & ve-  
 stimenta pretiosa, quibus Laicorum lu-  
 xum imitabantur, abjecerunt.

Haud multo elapso tempore a Comi-  
 tiis Attiniacensibus Ludovicus Impera-  
 tor, agens Tribure prope Moguntiam  
 confirmavit quinque Articulos ab Epis-  
 copis anno superiore in Concilio Theo-  
 donis Villæ pro securitate Virorum Ec-  
 clesiasticorum editos. Huic Concilio  
 Theodoni villæ celebrato anno octin-  
 gentesimo vigesimo primo interfuere E-  
 piscopi

piscopei triginta duo, ex quibus quatuor <sup>Sæculum IX.</sup>  
 Dignitate Metropolitana eminebant, ni- <sup>A.C. 822.</sup>  
 mirum Aistulfus Moguntinus, Hildebal-  
 dus Coloniensis, Hetto Trevirensis, &  
 Ebbo Rhemensis. Reliqui Galliæ & Ger-  
 maniaë Episcopi Legatos miserant. An-  
 sam ad condendos illos Canones præ-  
 buit cædes Episcopi cujusdam nomine  
 Joannis in Vasconia sævitia turpissima &  
 inaudita interfecti. Ergo in illis Arti- <sup>c. 1.</sup>  
 culis decernitur: Si quis Subdiaconum  
 vulneraverit, quinque Quadragesimas  
 pœniteat, trecentos solidos Episcopo  
 pendat, præter pecuniam ex Lege vul-  
 nerato pactam. Si Subdiaconus ex vul-  
 nere mortuus fuerit, percussor quinque  
 annos integros pœniteat, solidos qua-  
 dringentos, & pactam pecuniam in tri-  
 plum solvat. Solidi illius temporis qua- <sup>Le Blanc.</sup>  
 draginta solidis nostris, id est, duabus <sup>mon. p. 96.</sup>  
 libris, ut usus fert, æquivaiebant. Ser-  
 vata proportione injuriæ Diaconis aut <sup>c. 3.</sup>  
 Presbyteris illatæ puniuntur, & interfe-  
 ctor duodecim annis pœnitentiæ atque  
 nongentis solidis mulctæ nomine da-  
 mnatur. Ille vero, qui Episcopo insi-  
 diatus eundem occiderit, carnem non  
 comedat, vinum non bibat cunctis die-  
 bus vitæ suæ, cingulum militare depo-  
 nat, absque spe conjugii in perpetuum  
 maneat. Hujus Decreti Confirmatio-  
 nem ab Imperatore & Proceribus pete-  
 bant

Sæculum IX. bant Episcopi, quia homicidas ad solven-  
 A. C. 822. das multas pecuniarias a potestate sæ-  
                    culari compelli oportebat.

Id igitur ipsis anno octingentesimo vigesimo secundo concessum, tuncque iidem Articuli, quantum spectat ad multas pecuniarias sine mentione poenitentiae Canonicae, renovati. Et addidit Imperator: *Si quis huic Decreto non obediat, non tantum Sententiae Canonicae subjaceat, sed etiam Beneficium (id est Feudum) in Regno nostro tenere non possit, & ejus Allodialia (id est Bona propria) Fisco nostro addicantur. In carcere detineatur, usque dum Ecclesiae praeceptis satisfecerit.* Proceribus hoc Decretum approbantibus, & subscribentibus, Ecclesiastici Hymno *Te Deum Laudamus &c.* decantato Deo Gratias egerunt.

## §. XLIX.

*Rabani initia.*

*Mabill. Act.*  
*to. 6. p. 20.*

Sancto Eigilo Abbate Fuldensi fatis functo successit Rabanus, natus Moguntiae anno circiter septingentesimo septuagesimo sexto, a prima aetate Monasterii Fuldensis Alumnus. Anno octingentesimo primo Diaconus ordinatur, & anno sequente ab Abbate suo cum alio Monacho, nomine Hattone, Turonem mittitur, ut liberalibus Disciplinis & Scri-